



Broj: 02-05-2260/18  
Lukavac, 27.09.2018. godine

Na osnovu člana 64. stav (1). tačka b), člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6.tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015.godine, na Preporuku Komisije za provođenje postupka javne nabavke broj: 02-05-2260/18 od 26.09.2018. godine u otvorenom postupku javne nabavke radova na sakupljanju, odvođenju i prečišćavanju otpadnih voda iz dijela MZ Dobošnica, sa lokaliteta fudbalskog stadiona, općina Lukavac, Općinski Načelnik d o n o s i

## O D L U K U o izboru najpovoljnijeg ponuđača

### Član 1.

Prihvata se preporuka Komisije za provođenje postupka javne nabavke broj: 02-05-2260/18 od 26.09.2018. godine i Ugovor za javnu nabavku radova na sakupljanju, odvođenju i prečišćavanju otpadnih voda iz dijela MZ Dobošnica, sa lokaliteta fudbalskog stadiona, općina Lukavac dodjeljuje se grupi ponuđača: „GRIMING“ d.o.o. Doboj Istok i „OBNOVA-KOP“ d.o.o. Doboj Istok, ponuda broj: 01-08/18 od 27.08.2018.godine, za ponuđenu cijenu u vrijednosti od 74.438,88 KM bez PDV-a, kao najpovoljnijem ponuđaču.

### Član 2.

Izabrani ponuđač, odnosno svaki član grupe ponuđača: „GRIMING“ d.o.o. Doboj Istok i „OBNOVA-KOP“ d.o.o. Doboj Istok dužan je nakon prijema odluke o izboru dostaviti u roku od 7 dana slijedeće: 1. Dokumenta iz člana 45. stav (2), tačke a), b), c) i d) Zakona o javnim nabavkama BiH, a koji su navedeni i u tački 12.1., podtačke a), b), c) i d) Tenderske dokumentacije broj: 02-05-2260/18.

Ovlašteni predstavnik grupe ponuđača: „GRIMING“ d.o.o. Doboj Istok dužan je nakon prijema odluke o izboru dostaviti u roku od 7 dana slijedeće: originale ili ovjerene kopije dokaza traženih tačkom 13.2.5. tenderske dokumentacije i originale ili ovjerene kopije dokaza tražene tačkom 13.3.4. tenderske dokumentacije broj: 02-05-2260/18.

Ukoliko izabrani ponuđač ne dostavi traženu dokumentaciju u određenom roku, ili je ne dostavi na propisan način, postupak javne nabavke će biti poništen.

### Član 3.

Ova odluka objavit će se na internet stranici ugovornog organa ([www.lukavac.ba](http://www.lukavac.ba)) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

### Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

## Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-02-1-2259/18 od 03.08.2018. godine. Javna nabavka sprovedena je otvorenim postupkom nabavke. Procijenjena vrijednost javne nabavke bez PDV-a je 68.279,70 KM.

Obavještenje o nabavci broj: 719-1-3-70-3-84/18 objavljeno je na Portalu javnih nabavki dana 06.08.2018. godine.

Komisija za provođenje postupka nabavke imenovana Rješenjem broj: 02-05-2312/18 od 08.08.2018.godine dostavila je ugovornom organu-Općinskom Načelniku Zapisnik o pregledu i ocjeni ponuda broj: 02-05-2260/18 od 26.09.2018. godine, Preporuku o izboru najpovoljnijeg ponuđača broj: 02-05-2260/18 od 26.09.2018.godine i Izvještaj o radu broj: 02-05-2260/18 od 26.09.2018. godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljena jedna ponuda;
- da je blagovremeno primljena jedna ponuda;
- da nije bilo neblagovremeno primljenih ponuda;
- da je ponuda grupe ponuđača: „GRIMING“ d.o.o. Doboj Istok i „OBNOVA-KOP“ d.o.o. Doboj Istok kvalifikovana i prihvatljiva, naime dostavljeni su svi traženi dokazi propisani tenderskom dokumentacijom, na propisan način.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu tendersku dokumentaciju utvrđeno je da procijenjena vrijednost nabavke bez uključenog PDV-a iznosi 68.279,70 KM i da je kriterij za dodijelu ugovora najniža cijena.

Grupa ponuđača: „GRIMING“ d.o.o. Doboj Istok i „OBNOVA-KOP“ d.o.o. Doboj Istok dostavila je prihvatljivu ponudu sa konačnom cijenom u iznosu od 74.438,88 KM bez PDV-a.

Nakon izvršenog otvaranja ponuda, Komisija je utvrdila da ponuđene cijene premašuju procijenjenu vrijednost nabavke. S tim u vezi, Komisija se dana 14.09.2018. godine obratila Općinskom načelniku zahtjevom broj: 02-05-2260/18, kojim traži saglasnost za povećanje Budžeta. Dana 24.09.2018. godine, općinski načelnik je donio Odluku o unutrašnjoj preraspodjeli Budžeta, broj: 02-02-1-2810/18, kojom su preraspodijeljena nedostajajuća sredstva, neophodna za okončanje postupka predmetne javne nabavke.

Iz navedenih razloga, primjenom člana 64. stav (1) tačka b) Zakona o javnim nabavkama, člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine riješeno je kao u članu 1. ove Odluke.

### **Pouka o pravnom lijeku:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-

Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac. Žalba se podnosi u najmanje tri primjerka.



**OPĆINSKI NAČELNIK**  
Dr. Sci. Edin Delić

**Dostaviti:**

1. Grupa ponuđača: „GRIMING“ d.o.o. Doboj Istok i „OBNOVA-KOP“ d.o.o. Doboj Istok
2. Evidenciji i
3. Arhivi.-